



*Jumat, 05 Januari 2024*

**Ogen : Miha 3:1-4**



**Penguasa Si Kejam**



**G**enduari melala kal si idah spanduk-spanduk, rikut ras foto-foto kekelengenta si ersura-sura mereken diri guna ngelai masyarakat. Icalonkenna dirina guna ipilih dinging jadi alat pekena-kena masyarakat. I bas si e perlu kal kita metenget, ngoge dinging ngukuri kerna visi-misi si ibahanna. Arah visi misi e banci iukuri kai-kai saja pagi nibahan guna kiniulin. La terjeng si e perdiateken pe uga kegeluhenna sedekah enda alu nuluh kerna kai-kai saja nge ndia sienggo ilakokenna. Peminpin mereken ngaruh si mbelin kel nandangi kesejahtraan rakyat sinipinpinna arah kebijakan-kebijakan sinipedaratna, e maka i bas pemilih e lit ngaruhna ku bas kecibal 5 tahun si reh. Mari erlajar arah peminpin bangsa Juda i bas kitab Miha. Paksa si e kegeluhen tuhu-tuhu kelsehen, sulit dinging dem i bas kinilabujuren. Kegeluhen peminpin lanai payo. Ciga atena kinibujuren tapi ngena atena kejahatan. Ipinpinna masyarakat alu dem kekejamen, si enda teridah arah gambaren situriken Miha, nina maka isintapkenna daging i bas tulan, ilukai, ipenggelken tulan e dinging igat-gati desken daging ku bas kudin. Perbahanen enda nuriken perbahanen-perbahanen sinilakoken peminpin enda maba kiniseran-kiniseran man rakyat. Makeken kekuasaan guna ndehken kalak sideban. Sitik pe la maba kemalemen ate, kerina kalak rate mesui. Perbahanen si kejam ras kejahatan e ciga ate Tuhan. Tuhan la erngena ate man kalak si mereken penindasen man kalak sideban. E maka kune erlebuh ia la ialoi Tuhan dinging la ibegikenNa pertotonna.

Tuhan e dem erkeleng, iajari dinging ibabaiNa kita ngeluh i bas kekelengen. Kegeluhen kalak si nambah man baNa oratna ngeluh mereken diri guna pehuliken dinging maba kedamen. Ertotolah genduari nari maka penguasa sigenduari ras sinandangi ipilih tuhu-tuhu malang man Dibata segelah kai silakokenna e ngerehken kesejahtraan.



